

道康金氏叅奉公諱若休派譜序

夫修譜者譜其族也譜族者重其本也然則譜之爲書豈不重且大歟我金之譜先自羅麗累經兵燹文獻世德逸而無傳所謂杞宋之無徵者也是以勝國以前世系不可攷我十九世祖忠敏公佐我 太祖贊襄國家庇澤生民勲載盟府名叅錄券其積蔭餘慶未艾也三傳司正公諱潤孫生三男是爲三派也三派之族蕃衍道德科宦連綿相承爲湖省之巨族而散列邑同源至親分派生踈踈者易遠遠者易忘要人不忘莫善於譜也若無譜則昭穆掃如祖不知派不知孝悌之心由何而出苟有譜則某爲兄某爲弟其敦睦之誼油然而生此譜之不可闕者較然矣蓋吾金大譜之修始於癸卯中於壬子且於丙午繼於丁巳又於癸酉末於丙申皆世修之譜而詳陳世系圖出昭穆次序謹嚴條例分明也今之距忠敏公派譜未滿五六年而更爲忠敏公之五世孫判官公諱希說第三房叅奉

公諱若休派譜者前番譜牒秩數不足未爲奉侍雲仍頗多欲爲廣傳重刊四百而斯役也終始賢勞者校正族叔煥鮮監印煥京兩氏財務正基君且賤齒近耄隆病在床神昏眼眩不能把筆然族叔煥鮮氏之請益固又關門事義不容辭故不揆文拙強爲略述顛末云爾

檀紀四千三百八年乙卯小春上澣 後孫麟基謹撰

上古歷史云黃帝有子數十人得姓者十四帝嚳有子四人稷契摯堯堯后漢高祖劉氏稷后周文王姬氏契后殷湯子氏六百年而至於箕子又千八百餘年而至於孔子則氏族之親疎與血統之係譜所由來者尚矣若無係譜之詳記則后世誰能知之乎吾姓之金亦出於新羅王孫而后裔蔓延于天下浩難統紀故大同譜而世守之然源流而爲派根深而葉昌此自然之理降而至於十三代祖叅奉公諱若休愈往愈熾不得已僉意恂同別爲吾一派之係譜上以明祖宗之所自出下以示無窮之傳統



此非一人一家之所爲即聖云天錫之九疇彝倫攸叙之大義也大同譜則自乙巳后數次印出而至於派譜則其間未及續刊恐其久而浩繁難裁未能如意今纔告厥成編爲后者甚悶甚悶余嘗竊謂中古約有姓譜而至於宋朝蘇氏始爲譜序譜齊后來各姓蜂起而效嚙皆謂蘇氏之發明情義俱美之嗃矢也余爲不然蘇氏之所言一人之偏見非古今之通義也何者國有史家有乘其揆一也蘇氏云譜五作也尊吾之所自出其他不書焉詳吾之所自出其他略焉特於吾而尊且詳焉其他忽焉又曰服盡則親盡親盡則情盡情盡則途人也云云是豈係譜之義誼耶國無正史則結繩蒙昧之亂政家無乘譜則其末也不異於畜生也以先視后則均是子孫以后慕上則本身所自出之祖宗也后之視今者亦將有感於斯矣

檀紀四千三百八年乙卯十月 日 十三代孫煥京謹識

乙巳譜序

譜雖一家之史而天叙之五典繫焉故君子慎之小人罔知其重而忽之如未嘗節惠而稱謚未嘗除拜而書官妄添年數而進秩粉飾孝烈而蒙旌者君臣之義乖矣謬制字名而加於上世截去祖先而聯以它族挈其累世而爲之後闕其幾代而爲之後者父子之恩絕矣惡庶而冒嫡者夫婦之禮紊矣由支以奪宗者兄弟之序倒矣忘謂從某賢學道與某公唱酬者師友之分悖矣若是而貴者曷若無譜而守其素賤之爲賢哉自聖王之化寢衰而圖牒之規愈亂矣余雖不佞每見文人之喜作譜序者輒心鄙之心鄙之則豈肯身蹈之乎雖然苟有能知譜乘之有關係於天下之治亂而謹其程式者余且樂爲之言以贊夫世教之回淳矣康津金上舍煥圭及其族叔俊述從余遊久而知余心熱矣間者修其先祖忠敏公諱懷鍊五世孫判官諱希說第三房叅奉諱若休派譜而徵序於余則其



立規之正不須問而知也余不辭而言曰金氏之先素多從學於先賢者其垂教於後承必罔不嚴今此所刻之編其紀世派爵謚忠孝節烈師友淵源豈或有循私滅公之失況所收之族不過一派則又安有爽實誤書之患哉至其簪紳之蟬嫣名碩之輩出觀者自知之不必贅陳云爾

歲甲辰季冬

潭州田愚序

道康金氏叅奉公派譜索引見出表

一世

金原卿 後一

二世

子 柱 後一

三世

子 懷鍊 後一

四世

子 德芳 後一

五世

子 石鼎 後一

六世

子 潤孫 後一

七世

子 希尹 長派

子 希說 後一

子 希爽 季派

潤孫第二子

希說 前三

八世

子 若訥 无后

子 若愚 上宗坐派

子 若休 前三

九世

子 鎔 前三

十世

子 應閔 无后

子 應吉 前三

十一世

子 淵 前三

十二世

子 天行 前三

十三世

子 商白 无后

子 商季 后三

子 商逸 后三

子 商來 后三